

5 (42) ①
6/11
1.

repeat 31-09
copy no. 8/38. PP. 1-3

K31/1 1/3

Mehla ea boholo-holo
Mohlolo-holo es Basotho ba 'molelang ke Mopeli
mohlolo raseapara lome ha kea ikapasa ke
apesitsoe. Ke tsona lithoko tsa hae tseo re li
utloang, leha re sa utloisisi hore na lome
ke horeng. Lebiteso la hae le leng ke Thake
le leng ke Mosito. Ho thoe o na a etse tsito,
empa le teng ha ho tsoe hore na e be e le
tsito ea eng o na a sitoe ka ho etsa joang.
Liboko.

see under

Basotho ba liboko li ngata, empa ho
thata ho tseba kamoo li hlahlamanang
ka teng, le hore na li tsoile kae. Ha re
e-ea ka seo re batlang re se fihlela re
ka re liboko tse kholo-kholo tsa khale ke
sa Bafokeng le sa Barolong. Ha e le
Barolong, e ka ke bao liboko tse ling tse
ngata li tabohileng ho bona. Ba arohileng
ho bona pele ke Bafurutsi. Ho Bafurutsi
ho tabohile Bataung, Bakoena, Bapeli,
Makhokoe, Mapkuthing, Batlokoa, Basia,
2. Bakhatla. Ho Bakoena ho tabohile Bama-
ngoato le Bangoaketsi. Hape ho tabohile
Bahlakoana le Makhokhoa bas e ntseng
e le Bakoena le bona.

Bakoena.

Bakoena ba Lesotho ke litloholo tsa
Napo, setloholo sa Koena. Napo o na a ahile
ntsoanatsatsi ke moo Bakoena bohle
(haufi le Treda, O. F. S.) hammoho le Bafokeng.
Ntsoanatsatsi ke moo Bakoena bohle ba
Lesotho ba tsoileng teng. Napo ke eena
ntata Bakoena, Bahlakoana le Makhokhoa.
Bakoena bona ba arohane habeli, ke ba
ha Tsolo le ba ha Tsoloane. Maria ba ha
Tsolo ba boleloang haholo ke ba ha Moli-

beli. Ba ha Isoloane ke bona ba tsoetseng marena a Lesotho, ka mora oa hae Monaheng, kapa Kali. Ho bara ba Monaheng ho ka boleloa Mokhesi (ntata' ba Marabeng), Monyane (ntata' ba Monaheng), Motloheloa (ntata' ba ma-Sekake, Motloang le Mokoteli (bao ba ha Mokoteli ba tsoileng ho bona), le ba ha Maicane. Ke lona leloko la Bakoena ba Lesotho.

3.

Baphuthi

Ha e le Baphuthi bona ho thoe ke basele-sele. Ke litloholo tsa Matsitsi (Matebele) a neng a fallele Lesotho.

Bakoena le Bafokeng, hoba ba tlohe ntsoanatsatsi ba sha more ho Mohokare (haufi le Mautse) le moo e leng ha Molapo kajeno. Mehlang eo ho boleloa haholo ba Monaheng, bara ba Nkopane mora Monyane. Ra tsejoang haholo ke mora oa hae Mohlomi. (Ho thoe o na shoe ka 1818) eo e neng e le morena ea tumileng e bile e le ngaka e kholo. Ho thoe o na tumile ka baka la kelello ea hae e bile e le motsamai e moholo. Ho thoe o bile a ea fihla moo ho thoeng ke Mohlabaneng. Lebenya motho eo e neng e le morena oa Matabele ke setloholo sa hae.

Ba ha Mokoteli.

Mehlang eo ba boleloang hore ba ne ba eso hlahela ke ba ha Mokoteli, ba se na matla. Ba ne ba ahile pela Leribe.

4.

Eka ba okametseng ba bang e be e le ba ha Sekake ba moreneng. Motloang ngoanabo Motloheloa (ntata' Sekake), le Mokoteli a shoa a se na bana. Mosali oa hae a hana ho keneloa ke bana ba bo monna oa hae, a iketsetsa setsoalle le monna e mong oa Lehloibi ea neng a bitsoa 'Mualle, 'me a tsoala Motsoane

5 (42)

3*

3*6

K31/1

kapa Peete. A holisoa ke Rangoanae Mokoteli le
Thamae. Peete eo ke eena ntata' morena Libe,
le Mokhachane eo e leng ntata' marena a
Lesotho. Libe ho utloahala kore e be e le ~~le~~
lekhonatha a sa rate batho eaba moena
Mokhachane ea tsoarang borena lesikeng la
habo, leha e ne e sa le borena bofokolang
bo bonyenyane haholo. Mokhachane ke eena
ntata' Morena Moshoeshe.

end^s 42.